



REPUBLIKA E SHQIPERISE
KOMISIONI QENDROR I ZGJEDHJEVE

V E N D I M

PËR DHËNIEN E MANDATIT TË DEPUTETIT TË KUVENDIT TË SHQIPËRISË, KANDIDATIT TË LISTËS SHUMEMËRORE TË PARTISË DEMOKRATIKE, QARKU DIBËR, PËR PLOTËSIMIN E VAKANCËS SË NJOFTUAR NGA KUVENDI I SHQIPËRISË

Komisioni Qendror i Zgjedhjeve në mbledhjen e datës 09.04.2019, me pjesëmarrjen e:

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare

Shqyrtoi çështjen me

Objekt: Për dhënien e mandatit të deputetit të Kuvendit të Shqipërisë, kandidatit të listës shumemërore të Partisë Demokratike, Qarku Dibër, për plotësimin e vakancës së njoftuar nga Kuvendi i Shqipërisë, pas dorëheqjes nga mandati i deputetit, znj. Dhurata Çupi (Tyli).

Kërkues: Kuvendi i Republikës së Shqipërisë.

Baza Ligjore: Neni 23, pika 1, germa "a", neni 164 pika 2, neni 175 pika 2, i ligjit nr. 10019, datë 29.12.2008 "Kodi Zgjedhor i Republikës së Shqipërisë" i ndryshuar.

Komisioni Qendror i Zgjedhjeve pasi shqyrtoi dokumentacionin e paraqitur dhe dëgjoi diskutimet e përfaqësuesve të partive politike,

VËREN

Nëpërmjet shkresës nr. 792/1 prot., datë 25.02.2019, drejtuar Komisionit Qendror të Zgjedhjeve, Sekretari i Përgjithshëm i Kuvendit z. Genci Gjonçaj, njofton krijimin e vakancave në Kuvendin e Shqipërisë, për shkak të përfundimit të parakohshëm të mandateve të deputetëve të zonës zgjedhore të subjektit politik Partia Demokratike, Qarku Dibër.

Neni 164 i Kodit Zgjedhor përcakton se në rast të ndërprerjes së mandatit të deputetit, Kuvendi njofton Komisionin Qendror të Zgjedhjeve, për krijimin e vakancës në Kuvendin e Shqipërisë dhe Komisioni Qendror i Zgjedhjeve merr vendim për dhënien e mandatit, kandidatit të radhës në listën shumemërore, të së njëjtës parti politike në zonën zgjedhore përkatëse, regjistruar sipas nenit 67 të Kodit Zgjedhor.



Nr. 137 i Vendimit Data 09.04.2019 e Vendimit Ora 12:00 e Vendimit

Për dhënien e mandatit të deputetit të Kuvendit kandidatit të radhës të listës shumemërore të Partisë Demokratike, Qarku Dibër, për plotësimin e vakancës së njoftuar nga Kuvendi i Shqipërisë

Komisioni Qendror i Zgjedhjeve me vendimin nr. 555, datë 26.07.2017, shpalli rezultatin përfundimtar të zgjedhjeve për Kuvendin e Shqipërisë datë 25.06.2017, si dhe miratoi listën emërore të deputetëve të zgjedhur për çdo subjekt për çdo zonë zgjedhore. Sipas vendimit të sipërcituar Partia Demokratike për zonën zgjedhore Qarku Dibër, për zgjedhjet për Kuvendin e Shqipërisë të datës 25 Qershor 2017, ka fituar 02 (dy) mandate dhe kandidatët fitues nga lista shumemërore e Partisë Demokratike, Qarku Dibër, janë numëri rendor 01 (një) znj. Dhurata Bajram Çupi (Tyli) dhe me numër rendor 02 (dy) z. Xhemal Hysen Gjunkshi.

Rezulton se lista shumemërore e Partisë Demokratike, Qarku Dibër, nuk i plotëson të gjitha kriteret e përcaktuara në nenin 67 të Kodit Zgjedhor, duke përfshirë dhe kriterin e gjinisë, duke mos patur tridhjetë për qind të listës shumemërore nga secila gjini. KQZ me vendimin nr. 566, datë 05.10.2017, vendosi sanksionin administrativ gjorbë në masën 12.000.000 (dymbëdhjetë milion) lekë ndaj Partisë Demokratike.

Në bazë të nenit 175, pika 2 të Kodit Zgjedhor, KQZ në rast vakance të krijuar në mandatet e fituara nga lista shumemërore e Partisë Demokratike, në Zonën Zgjedhore Qarku Dibër, duhet të zbatonte dhe sanksionin plotësues, duke zëvendësuar vakancën e krijuar me kandidatin e radhës nga gjinia më pak e përfaqësuar.

KQZ, pas njoftimit nga Kuvendi për krijimin e vakancave, për shkak të heqjes dorë nga mandatet e deputetëve të Kuvendit të Shqipërisë, të subjektit politik Partia Demokratike, Qarku Dibër, i ka kërkuar kandidatëve vijues të listës shumemërore me numër rendor 05 (pesë) dhe 03 (tre), dorëzimin e formularit të vetdeklarimit në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike". Komisioni Qendror i Zgjedhjeve me vendimin 52 datë 12.03.2019 si dhe vendimin 77 datë 20.03.2019, ka vendosur, të shpall moszgjedhshmërinë si deputet në Kuvendin e Shqipërisë të kandidatëve të radhës në listën shumemërore të Partisë Demokratike, si rezultat i mos dorëzimit të formularit të vetdeklarimit brenda afatit ligjor.

Në bazë të nenit 175, pika 2 të Kodit Zgjedhor kandidatët vijues nga gjinia më pak e përfaqësuar e listës shumemërore e Partisë Demokratike, për zgjedhjet për Kuvendin e Shqipërisë të vitit 2017, Qarku Dibër, kanë shteruar. Në bazë të nenit 164 pika 2 e Kodit Zgjedhor, KQZ i ka kërkuar kandidatëve vijues të listës shumemërore me numër rendor 04 (katër) dhe 06 (gjashtë), dorëzimin e formularit të vetdeklarimit në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike".

Në bazë të nenit 164, pika 2 e Kodit Zgjedhor, fjalía e fundit, kandidati vijues të cilit i kalon mandati i deputetit, është edhe kandidati për Deputet me numër rendor 06 (gjashtë), z. Halil Nazmi Jakimi.

Referuar nenit 11 të ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike", vetëdeklarimi dhe verifikimi i kushteve të të dhënave në përputhje me këtë ligj, kryhet për çdo kandidat të listës shumemërore për zgjedhjet pararendëse, për Kuvendin e Shqipërisë, të cilit i takon të marrë mandatin e deputetit për vendin vakant, sipas Kodit Zgjedhor.



Nr. 137 i Vendimit Data 09.04.2019 e Vendimit Ora 12:00 e Vendimit

Për dhënien e mandatit të deputetit të Kuvendit kandidatit të radhës të listës shumemërore të Partisë Demokratike, Qarku Dibër, për plotësimin e vakancës së njoftuar nga Kuvendi i Shqipërisë

Me shkresën nr. 1609 prot., datë 21.03.2019, z. Halil Nazmi Jakimi, është njoftuar për dorëzimin e formularit të vetëdeklarimit sipas kërkesave të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike".

Z. Halil Nazmi Jakimi, referuar ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike", ka depozituar në Komisionin Qendror të Zgjedhjeve më datë 30.03.2019, formularin e vetëdeklarimit me numër unik 2127 – 2127/1, duke pranuar propozimin e organit për vazhdimin e procedurave për marrjen e mandatit.

Nga verifikimi i të dhënave në formularin e vetëdeklarimit, të z. Halil Nazmi Jakimi, rezulton se: nuk ka deklaruar dënime penale, masa sigurimi personal, urdhër kërkimi ndërkombëtar, dëbime.

Në zbatim të ligjit nr. 138/2015 "Për garantimin e integritetit të personave që zgjidhen, emërohen ose ushtrojnë funksione publike" dhe kreut V, pika 2, germa "b" dhe pikës 3, germa "c", të vendimit të Kuvendit nr. 17/2016 "Për përcaktimin e rregullave të detajuara mbi zbatimin e ndalimeve të parashikuara në ligjin nr. 138/2015", Komisioni Qendror i Zgjedhjeve, me shkresën nr. 2107 prot., datë 01.04.2019, ka kërkuar informacion nga zyra e gjendjes civile dhe me shkresën nr. 2105 prot., datë 01.04.2019, ka kërkuar informacion nga zyra e gjendjes gjyqësore, për kandidatin për Deputet, Qarku Dibër, për Kuvendin e Shqipërisë, z. Halil Nazmi Jakimi.

KQZ, gjithashtu ka bërë publikimin e formularit të vetëdeklarimit në faqen zyrtare të internetit.

Me shkresën nr. V-948/1 prot., datë 01.04.2019, zyra e gjendjes gjyqësore ka dërguar në Komisionin Qendror të Zgjedhjeve, verifikimin e gjendjes gjyqësore për kandidatin për Deputet, Qarku Dibër, për Kuvendin e Shqipërisë, z. Halil Nazmi Jakimi, sipas të cilës rezulton se është i padënuar nga gjykatat Shqiptare.

Drejtorja e Përgjithshme e Gjendjes Civile nuk i ka kthyer ende përgjigje kërkesës tonë.

Nga verifikimi i të dhënave në formularin e vetëdeklarimit të z. Halil Nazmi Jakimi, rezulton se, nuk është deklaruar asnjë e dhënë që ka të bëjë me kushtet e ndalimit të zgjedhjes në funksionin e deputetit, sipas ligjit nr. 138/2015, "Për garantimin e integritetit të personave që zgjidhen, emërohen ose ushtrojnë funksione publike".

Rezultoni se me vendimin nr. 877, datë 08.07.2015 të Komisionit Qendror të Zgjedhjeve, z. Halil Nazmi Jakimi, i është dhënë mandati i anëtarit të Këshillit Bashkisë Bulqizë, i subjektit politik Partia Konservatore, për Zgjedhjet për Organet e Qeverisjes Vendore, Qarku Dibër, Bashkia Bulqizë. Pranë Komisionit Qendror të Zgjedhjeve është depozituar Njoftimi i Këshillit Bashkiak Bulqizë, nr. 1308 datë 03.04.2019, për dërgimin e aktit të dorëheqjes nga funksioni i anëtarit të Këshillit Bashkiak Bulqizë, të z. Halil Nazmi Jakimi, dhe njoftimin e vakancës në Këshillin Bashkiak.

Për sa më sipër, mandati i ndërprerë i përket kandidatit të radhës të listës shumëmemërore e Partisë Demokratike, në zonën zgjedhore Qarku Dibër, i renditur me numër rendor 06 (gjashtë), z. Halil Nazmi Jakimi.



Nr. 137 i Vendimit Data 09.04.2019 e Vendimit Ora 12:00 e Vendimit

Për dhënien e mandatit të deputetit të Kuvendit kandidatit të radhës të listës shumëmemërore të Partisë Demokratike, Qarku Dibër, për plotësimin e vakancës së njoftuar nga Kuvendi i Shqipërisë

PËR KËTO ARSYE:

Komisioni Qendror i Zgjedhjeve, mbështetur në nenin 23, pika 1, germa "a", neni 164 pika 2, neni 175 pika 2, të ligjit nr.10019, datë 29.12.2008 "Kodi Zgjedhor i Republikës së Shqipërisë" i ndryshuar,

VENDOSI:

- 1- T'i japë mandatin e deputetit të Kuvendit të Republikës së Shqipërisë, kandidatit të radhës në listën shumëmemërore të Partisë Demokratike, Qarku Dibër, z. Halil Nazmi Jakimi.
- 2- Ky vendim hyn në fuqi menjëherë dhe botohet në Fletoren Zyrtare.
- 3- Kundër këtij vendimi mund të bëhet ankim në Kolegjin Zgjedhor, pranë Gjykatës së Apelit Tiranë, brenda 5 (pesë) ditëve nga shpallja e këtij vendimi.

Klement	ZGURI -	Kryetar
Denar	BIBA -	Zv.Kryetar
Bledar	SKËNDERI-	Anëtar
Edlira	JORGAQI-	Anëtare
Rezarta	BITRI-	Anëtare



Nr. 137 i Vendimit Data 09.04.2019 e Vendimit Ora 12:00 e Vendimit

Për dhënien e mandatit të deputetit të Kuvendit kandidatit të radhës të listës shumëmemërore të Partisë Demokratike, Qarku Dibër, për plotësimin e vakancës së njoftuar nga Kuvendi i Shqipërisë